



Broj: 13-04/2-04-37535-39/20
Sarajevo, 22.10.2020. godine

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO

- SKUPŠTINA KANTONA SARAJEVO
Služba za skupštinske poslove
- OVDJE -

- VLADA KANTONA SARAJEVO
Stručna služba Vlade
- OVDJE -

Predmet: Odgovor na zastupnička inicijativa, dostavlja se

Zastupnica Admela Hodžić, je na 29. Radnoj sjednici Skupštine Kantona Sarajevo, održanoj dana 28.09.2020. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa Poslovnikom Skupštine Kantona Sarajevo pokrenula zastupničku inicijativu kako slijedi:

"Na osnovu članova 106. i 213. Poslovnika Skupštine Kantona Sarajevo („Službene novine Kantona Sarajevo - Drugi novi prečišćeni tekst br. 41/12, 15/13, 47/13, 47/15 i 48/16, 9/20 i 14/20) pokrećem inicijativu prema Ministarstvu privrede Kantona Sarajevo, Ministarstvu za rad, socijalnu politiku, raseljena lica i izbjeglice Kantona Sarajevo i Ministarstvu finansija Kantona Sarajevo, da se u što skorijem periodu objavi Javni poziv za dodjelu sredstava za finansiranje dijela minimalne mjesečne neto plaće (u Federaciji BiH) za april i maj 2020. godine za Kanton Sarajevo, za privredne subjekte koji su Javnim pozivom broj: 05-02-45-18053/20 od 05.06.2020. godine isključeni postavljenim kriterijima, vezujući pravo na naknadu za evidentirani promet preko fiskalnih uređaja registrovanih u Poreznoj upravi Federacije BiH.



OBRAZLOŽENJE
ZAKON O FISKALNIM SISTEMIMA ("Službene Novine Federacije BiH", broj: 81/09)

član 28.
(Definisanje naziva i adrese prodajnog mjesta)

Obveznik je dužan da u zahtjevu za fiskalizaciju definiše naziv i adresu prodajnog mjesta, tako da oni odgovaraju: a) nazivu i adresi prodajnog mjesta na kome obveznik registruje promet preko fiskalnog uređaja ili b) nazivu i adresi mjesta na kome je obveznik registrovao svoju djelatnost, isključivo ako obveznik obavlja promet na uobičajenim pokretnim tezgama, preko lica koje dolazi na vrata kupcu ili preko putujućih prodavaoca.

Dakle, fiskalni printeri po Zakonu o fiskalnim sistemima Federacije BiH privredni subjekti obavezni su imati u registrovanim prodajnim mjestima, veleprodajama i maloprodajama dok u svim drugim poslovnim jedinicama u sklopu privrednog subjekta nisu dužni imati fiskalni printer. Također, privredni subjekti su dužni sve radnike prijaviti prema sistematizaciji i opisu radnog mjesta u poslovne jedinice u kojima rade, pa se dešava da privredni subjekt ima radnike u sjedištu za koje nije obavezan imati fiskalnu kasu, jer tu ne obavlja promet ili u bilo kojoj poslovnoj jedinici koja ne vrši poslove prodaje.

Kriterijima koji su postavljeni u Javnom pozivu broj: 05-02-45-18053/20 od 05.06.2020. privredni subjekti su prava naknade za minimalne plaće mogli ostvariti samo za radnike koji su registrovani u PU na mjestima gdje se evidentira promet. Ovakvim načinom i određivanjem kriterija, ministarstvo je prilikom raspisivanja javnog poziva tim privrednim subjektima automatski i iz samo njima poznatih razloga, iz prava za dodjelu sredstava za finansiranje dijela minimalne mjesečne neto plaće isključilo radnike iz proizvodnje, skladišta i uprava poslovnih subjekata.

Prema svemu navedenom može se zaključiti da je zbog kriterija javnog poziva veliki broj radnika neopravdano isključen iz prava za dodjelu sredstava za finansiranje dijela minimalne mjesečne neto plaće.

Ako u skorije vrijeme ne ispravimo ovu grešku sasvim je sigurno da ćemo se u narednom periodu suočiti sa masovnim otpuštanjima radnika, jer su privredni subjekti iako izmiruju sve obaveze, većinom isključeni iz javnog poziva. Ovakvim kriterijima stiče se dojam da su radnici u proizvodnji, inženjeri, KV, VK radnici, skladištari, viljuškaristi, pomoćni radnici u skladištu, radnici u upravi preduzeća kako što su administrativni radnici, pravnici, inženjeri, projektanti, knjigovode i ostali visokostručni kadar potpuno nebitni i bez ikakvih problema mogu na biro.

Još jednom naglašavam u svim poslovnim jedinicama koje su sastavni dio preduzeća ne mora biti instaliran fiskalni printer, a u nekima čak i ne smije iz bezbjednosnih razloga, te se kriteriji za dodjelu sredstava ne smiju na takav način određivati.

Privredni subjekti se moraju posmatrati u cjelosti jer su kao takvi i zaduženi za plaće, doprinose i poreze u PU FBiH, a za njihov promet i uspjeh, odnosno bilans stanja i uspjeha u poslovanju zaduženi svi radnici i uprava podjednako i svi nose teret poslovanja.

Ako se radi o elementarnom nezanju kreatora javnog poziva nije kasno da se ovakva greška ispravi, a ako se radi o diskriminaciji koja je planirano urađena na štetu radnika i privrednika moramo se zapitati da li zaista treba podržati ovakav način rada? Moja obaveza i dužnost je da kolegama zastupnicima predočim sva moja saznanja proistekla iz rada u Koordinacionom tijelu za ublažavanje negativnih posljedica u privredi izazvanih pandemijom i radom u Komisiji za prigovore



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090

Sarajevo, Reisa Džemaludina Čauševića 1



privrednika koji nisu ostvarili prava za dodjelu sredstava za finansiranje dijela minimalne mjesečne neto plaće. Od kolega zastupnika tražim da se izjasne o ovoj inicijativi.”

Na navedenu inicijativu, dajemo sljedeći odgovor:

“Javni poziv broj: 05-02-45-18053/20 od 05.06.2020. godine objavilo je Ministarstvo privrede Kantona Sarajevo. Ministarstvo za rad, socijalnu politiku, raseljena lica i izbjeglice Kantona Sarajevo nije bilo uključeno u objavljivanje ovog Javnog poziva niti ima nadležnosti vezano za oblast koju uređuje Zakon o fiskalnim sistemima (“Službene novine Federacije BiH”, broj: 81/09). Iz ovog razloga ovo ministarstvo se ne može uključiti u rješavanje ovog problema”

S poštovanjem,

Pripremio:

Zoran Timarac, šef odjeljenja

Dostaviti:

1. Naslovu,
2. A/a.

Po ovlaštenju ministrice
POMOĆNIK MINISTRICE



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33 562-090
Sarajevo, Reisa Džemaludina Čauševića 1



Quality management system
ISO 9001
• Customer focus
• Customer satisfaction
• Continuous improvement
• System process effectiveness
ID 15 100 63668
www.tuv-turkey.com